

resolución del expediente que deberá ser dictada en los términos del artículo 42 de la Ley 30/1992, de 26 de noviembre. Este plazo podrá ser ampliado prudencialmente hasta CINCO DÍAS, a petición de interesado, cuando la aportación de los documentos requeridos presente dificultades especiales. ”

Como quiera que el citado requerimiento no ha podido ser comunicado a la parte interesada en su último domicilio conocido en esta provincia, se procede a su notificación, según lo previsto en el artículo 59.5 de la Ley 30/1992, de 26 de noviembre, de Régimen Jurídico de las Administraciones Públicas y del Procedimiento Administrativo Común, (BOE nº 285, de 27 de noviembre).

El correspondiente expediente figura a disposición del interesado para conocimiento íntegro y constancia del mencionado acto en la Oficina de Extranjeros de la Subdelegación del Gobierno en Lugo, Calle Río Neira, nº 19-23, al considerar de aplicación el artículo 61 de la Ley 30/1992, de 26 de noviembre.

EL SUBDELEGADO DEL GOBIERNO, Ramón Carballo Páez

R. 5063

CONCELLOS

ABADÍN

Anuncio

1.-O Pleno do Concello de Abadín, na sesión celebrada o día 11 de setembro de 2012, aprobou icicialmente a MODIFICACIÓN da “ORDENANZA MUNICIPAL DE CORTA E SACA DE MADEIRA EN ABADÍN”.

2.-Publicouse anuncio de información pública por prazo de 30 días no Boletín Oficial da Provincia de Lugo, nº 225 de data 28 de setembro de 2012.

3.-Durante o referido periodo de exposición ó público presentouse unha alegación (por parte de CONFEMADERA).

4.-O Pleno do Concello de Abadín, na sesión ordinaria celebrada o día 3 de decembro de 2012, resolveu dita alegación e aprobou definitivamente dita modificación da Ordenanza, de conformidade co disposto no artigo 49.c da Lei 7/1985, do 2 de abril, Reguladora das Bases de Réxime Local.

5.-Finalmente, de conformidade co disposto no artigo 70.2 da Lei 7/1985, do 2 de abril, Reguladora das Bases de Réxime Local, procédese á publicación íntegra do texto de dita Ordenanza modificada.

6.-Contra o presente acordo definitivo poderá interpoñerse recurso contencioso-administrativo ante a Sala do Contencioso-Administrativo do Tribunal Superior de Xustiza da Comunidade Autónoma de Galicia no prazo de dous meses contados a partir do día seguinte ó da publicación deste anuncio no Boletín Oficial da Provincia de Lugo, de conformidade co artigo 46 da Lei 29/1998, do 13 de xullo, Reguladora da Xurisdicción Contencioso-Administrativa.

“ORDENANZA MUNICIPAL DE CORTA E SACA DE MADEIRA EN ABADÍN”

Artigo 1º.- Obxecto da normativa.

Constitúe o obxecto desta ordenanza o establecemento dunha regulación no municipio de Abadín das cortas e sacas de madeira que faga compatible a liberdade de empresa e o desenvolvemento e explotación do sector forestal, coa preservación do medio natural, a conservación dos camiños e pistas municipais e a seguridade vial.

Artigo 2º.- Concepto de corta e saca de madeira.

Por corta e saca de madeira deberá entenderse, para os efectos desta ordenanza, a totalidade das operacións que se desenvolvan dentro do municipio de Abadín que teñan por obxecto a obtención e transporte de madeira de tala, incluíndo tanto as operacións previas ou preparatorias á corta (desprazamento de vehículos e maquinaria, construcción de rampas ou accesos as fincas, preparación do terreo, etc.) como as posteriores (preparación e depósito da madeira, carga e transporte).

Artigo 3º.- Requisitos para as operacións de corta e saca de madeira.

Sen prexuizo da necesaria obtención, con carácter previo dos permisos ou autorizacións que, conforme á normativa vixente, sexan necesarios, para cortar plantacións forestais dentro do municipio de Abadín cun peso estimado superior a 6 toneladas métricas será obligatorio presentar nas oficinas municipais unha comunicación por escrito cunha antelación mínima de tres días.

O escrito de comunicación previa será asinado polo madeireiro, debendo constar nel os seguintes datos:

Datos identificativos do propietario forestal e do madeireiro:

Persoa física ou denominación social: nome, apelidos, número do DNI ou NIF, enderezo e teléfono.

Sociedade ou persoa xurídica: enderezo, CIF, nome e apelidos da persoa encargada ou responsable da empresa e teléfono.

Especie de madeira obxecto da corta.

Toneladas métricas de madeira que se prevén extraer.

Nome da finca ou monte afectado, lugar e parroquia onde se sitúa.

Identificación en plano catastral.

Datas previstas de inicio e remate dos traballos.

Vehículos e maquinaria a empregar nas operacións de corta e saca.

Lugar onde se depositará á espera da súa carga a madeira.

Vías a empregar e data prevista para o transporte da madeira.

Sistema previsto para a limpeza das vías públicas afectadas polas operacións de corta e saca de madeira.

De ser o caso, fotocopia compulsada do permiso, autorización ou licenza de corta expedido pola autoridade competente.

O madeireiro deberá de constituir ante este Concello Fianza en metálico ou aval bancario na forma e contía establecida no artigo 5º.3.-

O Concello de Abadín terá a disposición dos interesados un modelo normalizado do escrito de comunicación previa.

O Concello de Abadín requerirá ó madeireiro ou ó propietario do monte ou predio forestal a presentación dun escrito de posta en coñecemento cando comprobe que o madeireiro non cumpliu coa súa obriga de presentar nas oficinas municipais o de comunicación previa. O contido deste escrito de posta en coñecemento será o mesmo que o de comunicación previa.

Artigo 4º.- Obrigas nas operacións de corta e saca de madeira.

O madeireiro está obrigado á limpeza e retirada dos residuos da corta da madeira de xeito que as pistas, camiños ou espazos públicos queden en todo momento no mesmo estado de limpeza e conservación que tiñan antes de levarse a cabo as operacións de corta e saca de madeira. Esta obriga de limpeza deberá cumplirse todos os días ó final da xornada.

Así mesmo estará obrigado a sinalizar os viais situados nas zonas de extracción e depósito da madeira conforme ó establecido na normativa vixente en materia de tráfico, circulación e seguridade vial.

Prohibese terminantemente usar as vías públicas para almacén ou depósito irregular da madeira. Entenderase por depósito irregular, para os efectos desta ordenanza, aquel que excede de 30 días naturais.

O madeireiro ou propietario forestal deberán derrubar e repor ó seu estado anterior as ramplas abertas para facilitar o acceso á finca ou ó monte, co obxecto de que, cando chova, a auga e a terra arrastrada non inunde e cause danos nas pistas ou camiños municipais.

De acordo coa normativa vixente en materia urbanística, queda prohibido efectuar desprazamentos de terra que polas súas características deben ser considerados como movementos de terra.

Artigo 5º.- Responsabilidade.

1.- O madeireiro será responsable directamente de todos os danos e prexuzos a persoas e bens que se produzcan ou ocasionen con motivo da corta, depósito e transporte de madeira, debendo reparar o dano causado. O Concello de Abadín velará especialmente para que as ditas operacións de corta e saca de madeira non ocasionen danos nas vías públicas municipais e éstas queden en adecuado estado de limpeza e seguridade.

2.- A obriga da que se fai referencia no número 1 deste artigo será exible non só polos actos ou comisións propios, senón tamén polos cometidos por calquera persoa que, sen ser empregada ou traballadora do madeireiro, interveña nas operacións de corta e saca da madeira por conta, consentimento ou coa aquiescencia do madeireiro, e, en xeral, polos cometidos por aquelas persoas de quen deba responder.

3.- O madeireiro deberá constituir fianza en metálico ou aval bancario a prol do Concello na contía fixada polos servizos técnicos municipais, tendo en conta as características do que se pretende (peso da madeira a extraer, vehículos e maquinaria que se pretende utilizar, estado e grao de conservación do vial afectado, etc.). Unha vez rematadas as operacións de corta e saca de madeira, a petición do madereiro e previo informe favorable dos devanditos servizos técnicos municipais, esta garantía será devolta polo Concello no prazo de 3 días hábiles, mediante o correspondente Decreto da Alcaldía.

Artigo 6º.- Infraccións.

As infraccións a esta ordenanza cualífanse en moi graves, graves e leves.

Constitúen infraccións moi graves:

Non presentar o escrito de posta en coñecemento, unha vez requirido para iso polo Concello.

Deixar as vías municipais nun moi deficiente estado de suciedade, ocasionando unha situación de risco para a seguridade vial.

Causar danos nas pistas municipais por valor superior a 6.000 euros.

A comisión polo madeireiro de dúas faltas graves que sexan firmes na vía administrativa sen que transcorra máis dun ano.

Son infraccións graves:

Non presentar o escrito de comunicación previa.

Deixar as vías municipais en deficiente estado de suciedade.

Causar danos nas pistas municipais por valor inferior a 6.000 euros.

Non demoler ou non repor ó seu estado orixinal as ramplas ou accesos que se abriron para acceso ás fincas.

A comisión polo madeireiro de dúas faltas leves que sexan firmes na vía administrativa sen que transcorra máis dun ano.

Consideranse infraccións leves calquera outro incumprimento desta ordenanza que non estea cualificado como moi grave ou grave e cuxa sanción corresponda ó Concello.

Artigo 7º.- Sancións.

As infraccións desta ordenanza serán sancionadas coas seguintes multas:

Infraccións leves: multa de ata 300,00 euros.

Infraccións graves: multa de contía comprendida entre 301,00 euros e 1.500,00 euros.

Faltas moi graves: multa de contía comprendida entre 1.501,00 euros e 3.000,00 euros.

O importe das multas será graduado tendo en conta as circunstancias concorrentes e de acordo co establecido na normativa vixente.

O pagamento das multas poderase esixir pola vía administrativa de constrinximento, sen prexuízo da existencia, se fose o caso, das correspondentes responsabilidades civís e penais.

As sancións serán independentes da reparación do dano causado e da indemnización de danos e prexuízos a que houbera lugar.

As sancións imporanse previa incoacción e instrucción do correspondente expediente sancionador con audiencia ó interesado.

A resolución do expediente sancionador corresponderá á Xunta de Goberno Local, cando se trate de faltas moi graves ou graves, e á Alcaldía cando se trate de faltas leves.

Artigo 8º.- Requerimentos.

Advertido o incumprimento da presente ordenanza, e de forma paralela á apertura do expediente sancionador, requirirase ó responsable da infracción para que se axuste á normativa e, de ser o caso, repare os danos e prexuízos causados, outorgándolle para isto un prazo prudencial fixado polos servizos técnicos municipais, que, en calquera caso non poderá exceder dun mes. Transcorrido este prazo sen que se dea cumprimento ó requerimento, procederase, sen necesidade de novas notificacións, á súa execución subsidiaria cargándolle os custos desta á persoa responsable.

Disposición derogatoria.-

Na data de entrada en vigor da modificación da presente ordenanza, quedará automáticamente derrogada a "ORDENANZA MUNICIPAL DE CORTA E SACA DE MADEIRA EN ABADÍN", aprobada definitivamente polo Pleno na sesión celebrada o día 30 de xullo de 2010, e que foi publicada integralmente no Boletín Oficial da Provincia, número 194 de data 24 de agosto de 2010.-

Disposición final.

1º.- A presente ordenanza entrará en vigor unha vez publicada no Boletín Oficial da Provincia de Lugo e transcorra o prazo de 15 días hábiles previsto no artigo 65.2 da Lei 7/1985, do 2 de abril, reguladora das bases de réxime local, permanecendo vixente ata que se acorde a súa modificación ou derogación expresa."

Abadín, 7 de decembro de 2012.- O Alcalde, José Mª López Rancaño.